

incipit parvifacere agnitam veritatem, eamq;
paulatim prodere & perfidè abnegare.

60. A quo gradu impietatis mox fit transi-
tus ad blasphemiam Evangelij oppugnationem:
atque sic paulatim homo blasphemiam in Spiri-
tum sanctum involvitur, tandemq; in aeternum
inferorum barathrum precipitatur.

61. Nam vt disertè Servator affirmat, ea est
peccati huius atrocitas, ut neque in hoc, neque
in futuro seculo, sive, quod idem est, in eter-
num non remittatur.

62. Neque eorum ferenda est explicatio,
qui hæc verba Christi, (in æternum non re-
mittetur,) pro eo, quod excusationem non ha-
bet, ac proinde difficulter remittitur, acci-
piunt.

63. Non enim vllum vel levissimum dari po-
test delictum, quod coram tribunali Dei excu-
sationem etiam minimam prætexere possit.

64. Neque Christus Servator discrimen
inter peccatum in Filium hominis, & inter blas-
phemiam in Spiritum sanctum, in gradibus qui-
busdam Remissionis collocat: Sed simpliciter
illud Remissibile, hoc Irremissibile esse pronun-
ciat.

65. Nefas ergò fuerit, Remissibile dicere id, quod
Servator Irremissibile esse, expressè affirmat.

66. Est autem Irremissibile hoc peccatum in
æternum, non quòd sua magnitudine & a-
trocita-